

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KEEMPAT,
PARLIMEN KEEMPAT BELAS TAHUN 2021**

PERTANYAAN : LISAN

**DARIPADA : DATO' ABDULLAH SANI BIN ABDUL HAMID
[KAPAR]**

TARIKH : 26 OKTOBER 2021 (SELASA)

SOALAN

DATO' ABDULLAH SANI BIN ABDUL HAMID [KAPAR] minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan komitmen Kerajaan memastikan harga pasaran barang keperluan berada ditahap "mampu beli".

JAWAPAN

Tuan Yang di-Pertua,

Untuk makluman Ahli Yang Berhormat, penentuan harga barang adalah berdasarkan permintaan dan penawaran. Walau bagaimanapun, Kementerian terus komited untuk memastikan harga barang terutamanya barang-barang keperluan berada dalam keadaan stabil dan tidak membebankan pengguna.

KPDNHEP dari semasa ke semasa terus mengadakan sesi libat urus dan rundingan dengan pemain industri agar satu titik pertemuan menang-menang dapat dicapai. Ini terbukti dengan inisiatif Kementerian dalam menangani isu harga dan kecukupan bekalan melibatkan topeng muka, kit ujian kendiri, isu bekalan dan harga bawang merah serta isu harga ayam segar.

Selain itu, Kementerian juga melaksanakan penguatkuasaan dan pemantauan di lapangan. Peniaga yang didapati mengambil keuntungan yang tidak munasabah akan diambil tindakan di bawah Akta Kawalan Harga dan Anti Pencatutan 2011. Kementerian juga melalui Pegawai Pemantau Harga (PPH) memantau harga barang dan perkhidmatan tertentu. Data harga yang diperolehi dipantau dan dianalisis bagi memastikan harga barang berada pada tahap yang mampu milik. Usaha-usaha penguatkuasaan pencatutan harga dipergiatkan lagi bagi memastikan tiada pihak yang mengambil peluang keadaan ini.

Sekian, terima kasih.